



Sakspapir

Sakshandsamar	Arkiv	ArkivsakID
Jan Torry Sande	FE-024	20/307

Saksnr	Utval	Type	Dato
111/20	Formannskapet	PS	24.11.2020
	Kommunestyret	PS	

Framlegg til ny forskrift for slamtømming for NGIR-området

Vedlegg:

Forskrift for slamtømming for Fedje kommune

Saksutgreiing:

Bakgrunn

Kommunen er etter forurensingslova (Lov om vern av forurensinger og om avfall) pålagt å syte for tømming av mindre avløpsanlegg. Gjeldande forskrift for slamtømming er frå 2009 (K-sak 043/09), og er gjeldande for heile NGIR-området.

Fedje kommune fekk tvungen slamtømming i 1991. I perioden 1991 til 2008, hadde vi ei lokal løysing for innsamling og handtering av slammet. Frå 2009 vart vi tilslutta innsamlinga av slam som NGIR driv for medlemskommunane. Nemnd for teknikk og miljø gjorde vedtak om dette i sak 028/07.

NGIR har, i samarbeid med kommunane, utarbeida eit nytt forslag til forskrift for slamtømming. Det er planlagt at forskrifta skal tre i karft 01.01.2021.

Vurdering

Forskrift for slamtømming er ei lokal forskrift som omhandlar tømming, transport og handsaming av slam og sanitært avløpsvatn frå private og kommunale slamanlegg (slamavskiljarar). Forslaget har 14 paragrafar fordelt på fem kapittel. Den er slik noko meir omfattande enn gjeldande, som har 10 paragrafar.

Rådmannen vil kortfatta gå gjennom endringar forslaget som ligg til handsaming i denne saka:

Forskrifta er heimla i «Lov om vern av forurensinger og om avfall (forurensingsloven)» §26, 3. ledd, §30 2. og 3. ledd og §34.

I Kapittel 2 – Generelle avgjerder er det nokre nye moment. §1. Føremål:

Føremålet med denne forskrifta er å sikra forsvarleg miljøkvalitet ved eit avløpsanlegg, slik at forureining ikkje fører til helseskade, går ut over trivselen eller skader naturens evne til produksjon og sjølvfornyng.», er nytt. Føremål av denne typen, som formulerer ei generell hensikt eller kjerneverdi med forskrifta, gjer det lettare å forstå poenget bak forskrifta.

Kven forskrifta gjeld for (§4): Kapasitet for anlegg som kjem inn under den tvungne slamtømmeordninga er auka frå 15 til 50 personekvivalentar (PE). Dette samsvarar med storleik på utslepp i forureiningsforskrifta kap. 12: «Krav til utslepp av sanitært avløpsvatn frå bustadhus, hytter og liknande».



Fedje kommune

Minireinseanlegg er teke inn i slamtømmeordninga (§5): I dag er det anleggsleverandør som utfører dette som ein del av pålagt serviceavtale. Vil verte rimelegare for abonnent om det går i gjennom den ordinære slamtømmeordninga. Tømmeintervall må utarbeidast av anleggsleverandør.

Definisjon av «køyrbar veg» (§8): Krav til vegbreidde, aksestrykk m.m. for at tømmebil skal vere sikra tilkomst.

Abonnentar tilknytt private fellesanlegg (§9): Tidlegare har det vore uklart om det er eigar (dvs. utbygger), eller dei som er tilknytt avløpsanlegget som skal krevjast for gebyr. Ved å fakturere direkte dei som er tilknytt anlegget vil eigar sleppe å fordele / krevje inn gebyret. Samla kostnad for abonnentane vil verte noko større.

Fritak for slamtømming (§10): Nærare presisering av vilkår for fritak, m.a at stoppekran for vassforsyning skal plomberast.

Klage på enkeltvedtak (§11): I samsvar med forvaltningslova skal klage på vedtak sendast det organet som har fatta vedtaket.

Forskrifter skal etter kapittel 7. i forvaltningslova leggjast til høyring. Forslaget til ny forskrift for slamtømming, som her skal handsamast, har ligge til høyring på www.fedje.kommune.no i perioden frå 07.10.2020 til 01.11.2020. Ingen merknader er registrert.

Folkehelse: Det er sentralt for folkehelsa at det forureiningslova vert følgd.

Miljø: Det er sentralt for miljøet og dei fysiske tilhøva på Fedje at forureiningslova vert følgd.

Økonomi: Ingen direkte konsekvensar for Fedje kommune.

Konklusjon

Alver kommune må vedta forskrift om slamtømming innan eitt år etter etablering. NGIR ser det difor som mest hensiktsmessig å utarbeide ny forskrift gjeldande for heile NGIR-området.

Fedje kommune er tent med at det er ei felles forskrift for kommunane tilknytt NGIR.

Fedje kommune godkjenner vedlagd forslag til ny forskrift for slamtømming i NGIR-området.

Forslag til vedtak:

Fedje kommune godkjenner vedlagd forslag til ny forskrift for slamtømming i NGIR-området. Forskrifta trer i kraft 01.01.2021.

Formannskapet - 111/20

F - behandling:

F - vedtak:

Fedje kommune godkjenner vedlagd forslag til ny forskrift for slamtømming i NGIR-området. Forskrifta trer i kraft 01.01.2021.



Fedje kommune

Samrøystes vedteke.